

Тапсырыс берушілер, жобалау алдындағы және жобалау құжаттамасын әзірлеушілер мен Қазақстан Республикасы Экология және биоресурстар министрлігінің сараптық органдары арасындағы алауыздықтарды қарау тәртібі туралы

Күшін жойған

Қазақстан Республикасы Экология және биоресурстар министрлігі 1993 жылғы 30 желтоқсандағы бұйрығы. Қазақстан Республикасы Әділет министрлігінде 1994 жылғы 8 қарашада тіркелді. Тіркеу N 17. Қолданылуы тоқтатылды - ҚР Үкіметінің 2005 жылғы 9 ақпандағы N 124 қаулысымен.

Осы Нұсқау Қазақ КСР Министрлер Кабинеті 1991 жылғы 25 қазанда N 637 бекіткен "Қазақ КСР-ындағы мемлекеттік экологиялық сараптама туралы Ережелер" қаулының 15 және 17 пункттеріне сәйкес әзірленді және мемлекеттік экологиялық сараптаманы жүзеге асыру барысында немесе оның нәтижелері бойынша тапсырыс берушілер, құжаттама әзірлеушілер мен Қазақстан Республикасы Экобиоресурстарминінің сараптық органдары арасында туындайтын алауыздықтарды қарау тәртібін реттеуге арналады. Нұсқау Қазақстан Республикасы Экобиоресурстарминінің мамандары сияқты барлық өзге де мүдделі министрліктердің ведомстволардың, кәсіпорындардың, ұйымдардың немесе ұжымдардың да мамандарына арналады.

1. Жобалау алдындағы және жобалау құжаттамасына: Қазақстан Республикасы аумағында өндіргіш күштер мен экономика салаларын дамыту мен орналастыру схемаларының жобалары, су, орман, жер және басқа табиғи ресурстарды қорғау мен пайдаланудың кешенді схемаларының жобалары, телімдер немесе аумақтарға кешенді экологиялық зерттеу жүргізу материалдары, қалалар мен аумақтарды құрылыстық көркейтудің /дамытудың/ бас жоспарларының жобалары, қалалар мен елді мекендерді инженерлік дамытудың /жылумен жабдықтау, көгалдандыру, көліктік/ схемалары, техникалық-экономикалық негіздеулер /есептеулер/ және кәсіпорындардың, объектілер мен кешендердің, үйлер мен ғимараттардың орналастырылуының құрылысынан жаңғыртылуының жобалары, жануарлар мен өсімдіктер дүниесі ресурстарын өндіру мен пайдалануды биологиялық тұрғыдан негіздеулер, жаңа техникаға, технологияларға, материалдар мен заттарға қойылатын экологиялық талаптарды негіздейтін материалдар; табиғи ортаның жай-күйіне зиянда ықпал ететін жұмыс істейтін кәсіпорындардың құжаттамасы, оның ішінде, атмосфераға зиянды заттар шығарудың шектеулі жол берілген /ШЖН/ және уақытша

келісілген /УКН/ нормаларының, сондай-ақ су тоғандарына зиянды заттар тастау /ШЖТ/ нормаларының ведомстволық жобалары жатады.

2. Жобалау алдындағы және жобалау құжаттамасының тапсырыс берушісі - жобалауға және оны қаржыландыруды жүзеге асыруға тапсырма берген тұлға / орган/. Жобалау алдындағы және жобалау құжаттаманы әзірлеуші - жобалауды жүзеге асырушы тұлға / орган/.

Сараптық органдар - Қазақстан Республикасы Экобиоресурстарминінің жобалау алдындағы және жобалау құжаттамасының мемлекеттік экологиялық сараптамасын жүзеге асырушы құрылымдық бөлімдері /Бас мемлекеттік экологиялық Сараптама және оның жергілікті органдары/.

3. Тапсырыс берушінің болмаса жобалау алдындағы және жобалау құжаттамасын әзірлеушінің мемлекеттік экологиялық сараптаманың сараптаманы жүргізу процесіндегі әдістемелері немесе шешімдері сияқты сараптамалық қорытындыда баяндалған тұжырымдарымен де келіспеушілігі алауыздықтар деп саналады.

Алауыздықтар белгіленген нысан бойынша /тіркеліп беріліп отыр/ өтініш түрінде хатталады. Алауыздықтар себептеріне байланысты үш түрге бөлінеді:

А. Экологиялық сараптама процесін ұйымдастыру жөніндегі алауыздықтар:

а/ сарапшы мамандардың кәсіби құрамы бойынша;

ә/ сараптаманы жүргізудің әдістемелері мен құрал-саймандары бойынша;

б/ сараптаманы жүргізудің мерзімдері бойынша;

Ә. Экологиялық сараптаманы жүргізу жөніндегі алауыздықтар:

а/ сараптамаға берілген материалдардың комплектілігі мен толықтылығы бойынша ;

ә/ экологиялық сараптаманы уақытаралық жекелей қорытындылары бойынша;

б/ экологиялық сараптамаға қосымша материалдар ұсыну туралы талаптар бойынша ;

Б. Экологиялық сараптаманың түбегейлі нәтижелері /тұжырымдары/ жөніндегі алауыздықтар :

4. Алауыздықтарды қарау тәртібі.

4.1. Экологиялық сараптаманы ұйымдастыру жөніндегі алауыздықтарды қарау тәртібі :

4.1.1. Сарапшылардың кәсіби құрамы жөніндегі талап қарауға келіп түскен құжат /материал/ жөніндегі Комиссия бекітілгеннен кейін 10 күннен кешіктірілмей берілуі және 7 күн аралығында шешілуі мүмкін. Талап сарапшыны қоспау туралы қажетті фактілері мен дәлелденген егжей-тегжейлі сипатталуға тиіс .

4.1.2. Сараптама жүргізудің әдістемелері мен құрал-саймандары жөніндегі

талаптардың оларды қолданудың жарамсыздығын толық дәлелдейтіндей
а й ғ а қ т а р ы б о л у ғ а т и і с .

4.1.3. Сараптама жүргізудің ұзақтығы жөніндегі талаптар сараптық органдар
ұзақтығы "Қазақ КСР-ындағы мемлекеттік экологиялық сараптама туралы
Ережелердің" 12 пунктiмен немесе оларды жүзеге асыратын объектілік
бекітілген жоспарлар-графиктермен реттеліп, белгіленген мерзімдерді арттырып
жіберген жағдайда ғана қойылады.

Аталған блоктар жөніндегі алауыздықтардың барлық талаптары Министрдің
орынбасары - Бас мемлекеттік экологиялық сараптама бастығының алдына
қойылады және барлық қажетті құжаттар түскен күннен бастап бір ай
аралығында қаралады.

4.2. Экологиялық сараптаманы жүргізу процесі жөніндегі алауыздықтарды
қ а р а у т ә р т і б і :

4.2.1. Сараптамаға ұсынылған материалдардың комплектілігі мен толықтығы
жөніндегі талаптар, әдетте экологиялық сараптама алдыңғы деңгейінде қаралады.
Жобалық құжаттама экологиялық сараптама алдыңғы деңгейінде қаралады.
Жобалық құжаттама экологиялық сараптама органдарын
қанағаттандырмайтындай көлемде ұсынылған жағдайда оның ақырғы қаралуы
жүргізілмейді, бұл туралы сараптамаға ұсынылған материалдың тапсырыс
берушісіне /жобалаушыға/ дереу хабарланады.

4.2.2. Экологиялық сараптаманың уақытаралық жекелеген нәтижелері жөнінде
алауыздықтар туған жағдайда алауыздықтар пәні бойынша жазбаша
түсіндірмелер, ескертпелер мен толықтырулар баяндалған өтініш экологиялық
сараптаманың құрылымдық бөлімі бастығының атына беріледі. Оларды шешу
өтініш түскен күннен бастап 7 күн аралығында жүзеге асырылады.

4.3. Экологиялық сараптама қорытындысының ақырғы нәтижелері /
тұжырымдары/ жөніндегі алауыздықтарды қарау тәртібі.

Мемлекеттік экологиялық сараптама қорытындысының тұжырымдары
жөніндегі талаптар экологиялық сараптаманы жүзеге асырушы органның бірінші
бастығының немесе Қазақстан Республикасы Экология және биоресурстар
министрі орынбасарының - Бас мемлекеттік сараптама бастығының атына "
Алауыздықтар" мәлімдемесі бар өтініш түрінде беріледі.

Алауыздықтарды қарау барысында барлық мүдделі жақтар ресми өкілдерінің
қатысуы немесе олардың пікірлерінің есепке алынуы міндетті.

Алауыздықтарды шешу айлық мерзімде жүргізіледі, алайда қосымша
сәйкестік бақылаулар, зерттеулер немесе консультациялар жүргізу қажет
жағдайда бұл мерзім тікелей мүдделі жақтардың келісімімен ұзартылуы мүмкін.

Экологиялық сараптама қорытындысының тұжырымдары жөніндегі
алауыздықтарды қарау туралы шешім турасында белгіленген тәртіп бойынша

арбитражға немесе сотқа арыздануға болады.

5. Экобиоресурстарминінің Бас сараптамасы жобалау және жобалық құжаттаманың /ШЖТ/ /УКТ/ нормативтері жобаларымен бірге/ және ШЖС іріктемелі экологиялық сараптамаларын жүргізеді. Қазақстан Республикасы Экобиоресурстармині облыстық /қалалық/ бөлімдерінің сараптық қызметтері іс-қимылдарының тиімділігін сараптық қорытындыларда баяндалған тұжырымдар мен рекомендациялардың, табиғат қорғау заңдары талаптарының, табиғи ортаны қорғау нормалары мен ережелерінің сәйкестілігін жүзеге асыратындай сондай-ақ алауыздықтар туындауы мүмкіндігін төмендететіндей бақылау мақсатында іріктемелік экологиялық сараптаманың екі-жоспарлы және жоспардан тыс түрлері белгіленеді.

Оның нәтижесі бұрынырақ берілген шешімді дәлелдейтін немесе жоққа шығаратын ресми сараптық қорытынды түрінде хатталады.

5.1. Жоспарлы іріктемелік экологиялық сараптама облыстық /қалалық/ экологиялық сараптама қызметтерінің есепті жыл ішіндегі жұмысы нәтижелері бойынша жасалған және Бас мемсараптама бастығы жоспарланған жылдың қаңтарынан кешіктірілмей бекіткен жылдық объектілік жоспар-графикі бойынша жүргізіледі.

Жоспар-график қарау үшін бұрынырақ облыстық /қалалық/ экобиоресурстары басқармасы қараған және сараптық қорытындысы бар іске асырылған жағдайда табиғи ортаға ықпалы жөнінен неғұрлым маңызды жобалық құжаттаманы қамтиды.

Жоспарлы іріктемелік сараптаманы жүргізу мерзімі, әдетте, 45 күннен аспайтындай етіліп белгіленеді.

Іріктемелік сараптаманы ұйымдастыру және жүргізу формасы 1989 жылғы 18 қазанда Қазақ КСР Табиғат қорғаукомы бекіткен "Құжаттамалардың және материалдардың мемлекеттік экологиялық сараптамасын ұйымдастыру тәртібіне" сәйкес жүзеге асырылады.

5.2. Жоспардан тыс іріктемелік экологиялық сараптама мына жағдайда жүргізіледі:

а/ сарапталатын құжаттаманың тапсырыс берушісі /жобалаушысы/ мен облыстық /қалалық/ сараптық орган арасындағы мемлекеттік экологиялық сараптама қорытындысының нәтижелері /тұжырымдары/ бойынша алауыздықтар жағдайында. Аталған алауыздықтарды қарау осы Нұсқаудың 4 тарауының ережелеріне сәйкес жүзеге асырылады;

ә/ жаңадан анықталған объективті жағдайлар /жобалау қызметі белгілеген аймақтағы экологиялық ахуал-өзгерісін қоса қамтығанда/, бірқатар себептер салдарынан бұрынырақ мемлекеттік экологиялық сараптаманың келісімі берілген материалдардағы техникалық және өзге де жобалық шешімдер өзгерістері

жағдайында. Бұл жағдайда "Қазақ КСР-ындағы мемлекеттік экологиялық сараптама туралы Ереженің" 15 пунктiне сәйкес тапсырыс беруші қосымша ақпарат берген тұста Басэко-сараптаманың немесе оның жергiлiктi органдарының шешiмi бойынша жалпы қабылданған тәртiпке сәйкес қайталама мемлекеттiк экологиялық сараптама жүргiзiледi;

б/ сараптаманың қажеттiлiгi жөнiнде Экобиоресурстарминiнiң құрылымдық бөлiмдерi, қоғамдық немесе өзге де ұйымдар, жекелеген азаматтар ұсыныстар енгiзген жағдайда. Бұның барысында iрiктемелiк сараптама жүргiзудiң бастамашысы пайдаланылған әдiстемелiк және өзге де нормативтi құжаттардың құқықтылығы туралы пiкiрдi қамти отырып, тиiстi негiздеме /өзiнiң дәлелдi ескертпелерiнiң тiзбелерiмен бiрге/ ұсынады. Бұл жағдайда ұсыныстарды қарау тәртiбi мен мерзiмдерi туралы шешiмдi Экобиоресурстарминiнiң Басэко-сараптамасы қабылдайды;

в/ жоғары және директивтi басқару органдарының тапсырысы жағдайында. Бұның барысында жоспардан тыс iрiктемелiк экологиялық сараптама белгiлеген тәртiпке сәйкес тапсырмада белгiленген мерзiм аралығында жүргiзiледi.

5.3. Iрiктемелiк экологиялық сараптаманың қорытындысы қаралатын объектiнiң және оның орналасуы ауданының жалпы сипаттамасынан, орын алып отырған алауыздықтар /жоспардан тыс сараптама жағдайында/ сарапталатын құжаттама жөнiндегi ескертпелерден "Құжаттамалар мен материалдарын мемлекеттiк экологиялық сараптамасын ұйымдастыру тәртiбiнiң" 2.4. пунктiне сай келетiн тұжырымдар мен ұсыныстардан тұруға тиiс.

5.4. Бекiтiлген мерзiмi екi жылдан аспайтын ШЖШ /УКШ/ нормативтерi жобалары жөнiндегi iрiктемелiк сараптама тек 5.1. және 5.2. /в/ пункттерi бойынша жүргiзiледi.

Қосымша

Ө т i н i ш

**Қазақстан Республикасы Экология және биоресурстар министрлігі
жүйесі сараптық органы мен жобалау алдындағы және жобалау
құжаттамасына тапсырыс берушінің /әзірлеушінің/ арасындағы
алауыздықтар туралы _____**

|NN|Өтiнiш берушiнiң |Алауыздықтардың |
|рс|наразылығының |себептерi мен | Ұсыныстар
| |мазмұны |түсiнiктемелерi |
| | / м ә л i м е т / |

| | |Өтiнiш|Сараптық |Өтiнiш жасаушы |Сараптық

					жасау- органның	нікі			органдікі
					шының				
1	2	3	4	5	6				

Жобаға тапсырыс беруші
/өзірлеуші/ ұйым бастығы

Қ о л д а р ы
Қазақстан Республикасы
Экобиоресурстармині жүйесі

сараптық органының бастығы

Республикалық шаруашылық есептегі "Қазэкоэкс" экологиялық-экономикалық талдау және лицензияландыру ғылыми-өндірістік орталығы әзірленген.

Бекітуге ұсынған Қазақстан Республикасы Экология және биоресурстар министрлігінің Бас мемлекеттік экологиялық сараптамасы.

Қазақстан Республикасы Экология және биоресурстар министрлігінің ҒТК секциясының мәжілісінде қаралған және қабылдауға ұсынылған. /1993 жылғы 9 қ а р а ш а N 3 х а т т а м а /.

Қазақстан Республикасы Экология және биоресурстар министрлігі ҒТК Президиумы мақұлдаған /1993 жылғы 10 желтоқсан, N 8 хаттама/.

Күшіне ену мерзімі - 1994 жылғы 01 сәуірден бастап.

Министрдің орынбасары